

三官真經

發爐讚

爐煙起篆 道炁騰祥 誠心一炷噴天香
繚繞透穹蒼 周遍十方 諸神現金光
太上玉華散景香雲浮蓋大天尊。。

祝香神咒

道由心學 心假香傳 香爇玉爐
心存帝前 真靈下盼 仙佩臨軒
於今關告 逕達九天
淨口神咒

三官真經

清微藏書閣

丹朱口神 吐穢除氛 舌神正倫
通命養神 羅千齒神 卻邪衛真
喉神虎賁 氣神引津 心神丹元
令我通真 思神鍊液 道炁長存

淨心神咒

太上台星 應變無停 驅邪縛魅
保命護身 智慧明淨 心神安寧
三魂永久 魄無喪傾

淨身神咒

靈寶天尊 安慰身形 弟子魂魄

五臟玄冥 青龍白虎 隊仗紛紜
朱雀玄武 侍衛我身

安土地神咒

元始安鎮 普告萬靈 嶽瀆真官
土地祇靈 左社右稷 不得妄驚
回向正道 內外澄清 各安方位
備守家庭 太上有命 搜捕邪精
護法神王 保衛誦經 皈依大道
元亨利貞
大聖元始安鎮大天尊

三官真經

清微藏書閣

淨天地神咒

天地自然 穢氣分散 洞中玄虛
晃朗太元 八方威神 使我自然
靈寶符命 普告九天 乾羅答那
洞罡太玄 斬妖縛邪 殺鬼萬千
中山神咒 元始玉文 持誦一遍
卻病延年 按行五嶽 八海知聞
魔王束首 侍衛我軒 凶穢消散
道炁長存
常清常靜天尊

攝魔摒穢大天尊

金光神咒

天地玄宗	萬炁本根	廣修億劫
證吾神通	三界內外	惟道獨尊
體有金光	覆映吾身	視之不見
聽之不聞	包羅天地	養育群生
誦持萬遍	身有光明	三界侍衛
五帝司迎	萬神朝禮	役使雷霆
鬼妖喪膽	精怪亡形	內有霹靂
雷神隱名	洞慧交徹	五炁騰騰

三官真經

清微藏書閣

金光速現 覆護真人 急急如

玉皇光降律令敕

三官大帝寶誥 志心皈命禮

唯三聖人 乃一太極 晉受浩劫家之命

鼎膺無量品之褒 紫微清虛洞陰 總

領功過 賜福赦罪解厄 普濟存亡 道

冠諸天 恩覃三界 大悲大願 大聖大

慈

三元三品三官大帝

三宮九府三百六十應感天尊

上元天官大帝寶誥 志心皈命禮
玄都元陽 紫微宮中 部三十六曹 偕
九千萬眾 考較大千世界之內 錄籍十
方國土之中 福被萬靈 主眾生善惡之
籍 恩覃三界 致諸仙升降之司 除無
妄之災 解釋宿殃 脫生死之趣 救拔
幽苦 群生是賴 蠢動咸康 大悲大願
大聖大慈
上元九炁賜福天官
曜靈元陽大帝紫微帝君

三官真經

清微藏書閣

中元地官大帝寶誥 志心皈命禮
青靈洞陽 北都宮中 部四十二曹 偕
九千萬眾 主管三界十方九地 掌握五
嶽八極四維 吐納陰陽 覈男女善惡青
黑之籍 慈育天地 考眾生錄籍禍福之
名 法源浩大而能離九幽 浩劫垂光而
能消萬罪 群生父母 存沒沾恩 大悲
大願 大聖大慈
中元七炁赦罪地官
洞靈清虛大帝清靈帝君

下元水官大帝寶誥 志心皈命禮
暘谷洞元 青華宮中 部四十二曹 偕
九千萬眾 掌管江河水帝萬靈之事 水
災大會劫數之期 正一法王 掌長夜死
魂鬼神之籍 無為教主 錄眾生功過罪
福之由 上解天災 度業滿之靈 下濟
幽扃 分人鬼之道 存亡皆泰 力濟無
窮 大悲大願 大聖大慈
下元五炁解厄水官
金靈洞陰大帝暘谷帝君

三官真經

清微藏書閣

火官大帝寶誥 志心皈命禮
乾元四品 考較火官 運扶乾健 德合
離明 居太陽丹天之中 統左府注生之
籍 盛德在火 炎帝持衡 功參佐於三
元 炁運行於四月 駕赤龍而行南陸
照明熒惑之宮 燭朱陵而顯丹臺 煥赫
文昌之運 輝輝朗耀 炳炳照臨 大悲
大願 大聖大慈 赤皇上品
三炁火官炎帝真君
洞陽大帝南丹紀壽天尊

玄天上帝寶誥 志心皈命禮
混元六天 傳法教主 修真悟道 濟度
群迷 普惠眾生 消除災障 八十二化
三教祖師 大慈大悲 救苦救難 三
元都總管 九天遊奕使 左天罡 北極
右垣大將軍 鎮天助順 真武靈應 福
德行慶 仁慈正烈 協運真君 治世福
神 玉虛師相
玄天上帝金闕化身蕩魔天尊

開經讚

三官真經

清微藏書閣

天地水府 三界高真 無邊法顯大慈仁
濟度應良辰 福被萬民 拔罪出迷津
皈命

三元應感大天尊。。

開經偈

寂寂至無宗 虛峙劫仞阿 豁落洞玄文
誰測此幽遐 一入大乘路 孰計年劫多
不生亦不滅 欲生因蓮花 超凌三界途
慈心解世羅 真人無上德 世世為仙家

讚曰

稽首皈命天地水 三官大帝慈悲主
神功妙德不思議 謹運一心皈命禮
太上三元賜福赦罪解厄消災延生保命妙
經

爾時 救苦大仙 在大羅天上 九炁
紫微天宮

上白

道君 曰 集會三元 天地水官 三界
四府 眾聖曹官 考較司 同諸仙眾
講說經法 救拔眾生 放大光明

三官真經

清微藏書閣

照見天下萬國九州之地 江河湖海之
內 閻浮世界之中 受苦眾生 造惡
非善 廣結冤讎 多行不足 財交弗
明 不敬天地日月三光 呵風罵雨
欺神滅像 瞞天昧地 褻瀆聖賢 不
敬父母叔伯六親 姦盜邪淫 不忠不
孝 非禮非義 斷絕往來恩路 不敬
五穀 穢污遭賤 不行正道 大斗小
秤 明瞞暗騙 橫言曲語 白口咒詛
怨天恨地 不恤己身 不修片善

天不容地不載 致生惡毒 多起瘟瘧
多招訟非輕重難逃 故作事因 得
此苦報 惡難臨身 無處解釋 於是
救苦大仙 端簡上告
三元天官曰 善哉善哉 此等眾生 遭
刑苦難 若有善男信女 皈依三元
齋戒三年圓滿 命道專誦此經 三五
十遍 千五百遍 踴躍懺悔 悔過愆
尤
道君曰 即有天官賜福 地官赦罪 水

三官真經

清微藏書閣

官解厄 於是告下
三元天尊 即駕五色祥雲 行九炁清風
至都會府 雲臺山上 放大毫光 廣
大惠力 無邊法顯 濟民救苦 福應
萬靈 諸天升降 除無妄之災 解有
讎之愆 賜千祥之福 脫九厄之難
離三途之苦 痴蠢康泰 削去原罪
拔除冤根 永消愆尤 父母存亡 沾
恩離苦 四生六道 餓鬼窮魂 狐魂
野鬼 九玄七祖 未離地獄之中 存

亡眾生 杻械枷鎖 圜圉閉塞 於是
地官 至七月十五日 即與獄囚 地獄
受苦眾生 除罪簿滅惡根 削死名上
生籍 已去提未去提 已提至未提至
已結證未結證 已發覺未發覺 逢
赦除之

地官曰 五刑十惡等罪 永不赦除
天尊言 齟齬齟齬 蛇牙虎口 心如錐
刀 惡毒之人 鬼眼鬼心 多計巧言
噴瞞痴愚 蠢子何知 割他肉 不

三官真經

清微藏書閣

念他貧 只念己富 肥家潤身 使心
用心 返累己身 心根結成 罪根難
滅 貪財利己 天雷霹靂 瘟氣流傳
纏害身體 冤愆相併 併及子孫
於是 救苦大仙 再告天官
天官曰 專誦此經 至滿千遍 大作踴
躍 悔過愆尤 斷惡修善 即有
地官赦罪 所有惡孽愆尤 俱一赦除
心心志忑 盡一皈正 恍恍惚惚 耳
目心定 神魂安靜 精神復舊 罪滅

福生 無量功德 其福無邊

道君曰 世間眾生 招瘟惹災 毒氣流

行 眾生染著 皆是造惡非善 冤讎

相併 致生惡疾 淹延未癒 若誦此

經 病即痊癒 若誦經者 至端陽中

元之日 即有三元 追回行瘟等眾

考較輕重等罪 俱一赦除

水官曰 世間夫婦 命犯孤辰寡宿 刑

害絕嗣 皆是前生不施 今生受之

若有善男信女 晨夕好靜 沐浴燒香

三官真經

清微藏書閣

燃燈誦經 修齋布施 悔過消刑

便生端正有相之男 聰明富貴之子

聲鎮五湖四海 宿世今生 故作誤為

謀財負命 今世為兒 取命化財

女人妊娠 三朝五日不行分娩 或在

身兒亡 生下兒亡 三六九歲兒亡

十二五歲兒亡 一日一夜 萬死萬生

俱是冤愆相臨 化目化財 騙脅財

物 化為畜生 若有善男信女 發心

施財 齋戒沐浴 專誦此經 悔過愆

尤 即使愆尤永釋 人鬼分離 產生
無難 母子雙全 關煞無刑 生長成
人 利益雙親 經力宏深 祈福福至
禳禍禍消
天尊言 讎人冰泮 冤家債主 自消自
滅 孤魂等眾 九玄七祖 四生六道
輪迴生死 出離地獄 即往東極天
界 救苦門庭 救苦地上好修行 只
有天堂無地獄 閻王一見 不敢高聲
童子夜叉 擎拳拱手 牛頭馬面

三官真經

清微藏書閣

總盡皈依 一十八重地獄 獄獄逍遙
三十三天天宮 宮宮自在 超生天
堂之境 即無地獄之聲 出離地獄
永離苦難 徑往人天 超生淨土 快
樂無量 一去一來 無掛無礙
水官曰 天下眾生 星辰不順 運限遲
留 凶曜衝併 多生疾病 或瘟病相
侵 或痢疾瘡毒相侵 或腫毒疥癩相
侵 氣候喉霹相侵 咽喉風毒相侵
泄瀉風痰相侵 祖塚瘟氣相侵 住基

風水相侵 邪師敗聖相侵 火眼癆瘵
相侵 吐血蠱毒相侵 白口咒詛相侵
刀兵火盜相侵 水滄顛狂相侵 吊
頸枷鎖相侵 穢門閉瘴相侵 年月日
時不利相侵 斫伐壇廟樹木相侵 挖
坑動土相侵 開基開沼相侵 添新換
舊相侵 修前整後相侵 瘧疾疹疾相
侵 瘟災瘟氣相侵 官符口舌相侵
致生惡疾來纏 眾生染著 致于喪亡
若誦此經 即使惡疾不纏 吉星相

三官真經

清微藏書閣

護 凶曜退散 萬禍冰消 千祥雲集
經通天界 福臨人間
天尊言 天下眾生 江河湖海 舟航商
賈 風波洶湧 驚惶憂懼 若誦此經

皈依

天地水官水府眾聖 即使風恬浪靜
水途安妥 舟航穩載 繩纜堅牢
所謀順遂 諸聖擁護 萬神錫福
於是
天尊而說偈曰

九氣青天上 日月星斗真
天地水官帝 雲雷電鼓隨
金童執華旛 玉女捧香花
五色祥雲內 放出白毫光
照一切天下 顯身救眾生
慶雲祥煙護 拔離諸苦難
興雲布洪雨 驅雷掣電行
捲起揚塵土 神氣威猛烈
廣大智慧力 法顯無邊濟
無極無量法 無量度眾生

三官真經

清微藏書閣

無極無量光 照出諸魂眾
一切冤家鬼 盡離地獄中
存亡諸眾生 一切離苦難

天尊說經已畢 若誦此經 隨力見功

酌水獻花 其福自應 家有此經
宅舍光明 災難無侵 佩帶此經
萬神擁護 鬼祟永滅 心念不空
福力自然 神力扶持 隨心應口
此經共計一千六百七十五字
字字真詮 句句消愆

行行滅罪 卷卷賜福
一切諸天上帝 三界十方眾聖 聞說
此經 皆大歡喜 作禮而退 信受奉
行

太上三元賜福赦罪解厄消災延生保命妙
經終

太上元始天尊說三官寶號經

爾時

元始天尊 在大羅天上 八景宮中 與
諸天神王 日月星宿 上聖高尊 無

三官真經

清微藏書閣

極聖眾 說無上至真妙法 有一真人

名曰赤腳大仙 越班而出 擎拳長

跪上白 天尊曰 下界人民 或有水

火刀兵 疾病生產 鬼魅精邪 天羅

地網 一切厄難 何由救免

天尊言 得道神仙 皆從三官保舉 下

方生人 但持三官寶號 能除厄難

悉皆消滅 吾今授汝下世 流傳人間

看誦者 得福無量 消一切厄 即

說寶號曰

北極玄穹 紫微帝庭 泰山岱嶽
水國清泠 網維三界 統御萬靈
三元校籍 善惡攸分 齋戒禮誦
無願不成 消災釋罪 降福延生
至真妙道 功德無邊 大悲大願
大聖大慈

上元一品賜福天官紫微大帝
中元二品赦罪地官清虛大帝
下元三品解厄水官洞陰大帝
乾元四品考較火官洞陽大帝

三官真經

清微藏書閣

三元主宰三百六十應感天尊
女青真人一百二十考較曹官

爾時 赤腳大仙 與諸天神王

真仙大眾 聞說寶號 皆大歡喜

作禮 稽首而退 信受奉行

太上元始天尊說三官寶號經終

完經讚

三官大帝 應感十方 神功妙德廣宣揚
浩劫仗垂光 普濟存亡 度厄降禎祥
皈命

三元應感大天尊。。

三官真經竟

天運辛卯年亥月

正一天師清微弟子洪鼎堅恭錄彙編

三官真經

清微藏書閣

三官真經

清微藏書閣